

MANUAL

Praticum Situaziuns d'emprender

1. onn da studi

Studenta/student	Lieu da praticum, scola/scolina
Persuna(s) d'instrucziun da la pratica	Classa(s)
Mentura/mentur	Temp da praticum
Partenaria/partenari da praticum	

Cuntegn

Introducziun	1
Standards da furmaziun	1
Curta descripzion dal praticum Situaziuns d'emprender	1
Persunas involvidas e responsabladad	1
Permissas da las studentas/dals students	1
Cumpetenzas	2
Accents da laver individuals	2
Tge e quant instrueschan las studentas/ils students?	3
Incumbensas da las persunas involvidas	4
Valitaziun e cumprova da prestaziun	4
Finanzas	4
Assicuranza	4
Incumbensas da las studentas/dals students	5
Incumbensas da la persuna d'instrucziun da la pratica	8
Incumbensas da la mentura/dal mentur	11
Instrument da valitaziun praticum Situaziuns d'emprender	12
Fegl da notas praticum Situaziuns d'emprender	15

Introducziun

En la concepziun da la partizun furmaziun da la pratica professiunala da la Scola auta da pedagogia dal Grischun (SAPGR) vegnan l'orientaziun als standards e l'individualisaziun colliadas uschè bain sco pussaivel. Las finamiras dals praticums sa refereschan d'ina vart als 9 standards che furman il rom d'orientaziun general da la scolaziun a la SAPGR cun dar avant per praticum accents generals. Da l'autra vart èsi dentant era impurtant ch'ina studenta u in student defineschia tenor nivel d'emprender individual e necessitat da svilup individual agens accents e lavuri vi da quels sistematicamain. Il manual duai mussar co che questas finamiras duain vegnir realisadas en il praticum Situaziuns d'emprender, co ch'il praticum è organisà e tge incumbensas che tutgan a las personas involvidas.

Standards da furmaziun

Per il praticum Situaziuns d'emprender furman ils standards ch'en stampads grass ils accents generals:

- Standard 1: Savida dal rom ed abilitad dal rom
- Standard 2: **Process d'emprender e da svilup**
- Standard 3: **Lavurar cun eterogenitad**
- Standard 4: Communicaziun, sa preschentar e collavuraziun
- Standard 5: **Manar ina classa**
- Standard 6: **Planisaziun, realisaziun ed evaluaziun da l'instrucziun**
- Standard 7: Diagnosa, promozion, cussegliaziun, valitaziun
- Standard 8: Scola e societad
- Standard 9: **Abilitad individuala da supportar squitsch, svilup professiunal, svilup da l'instrucziun e da la scola**

Curta descripzion dal praticum Situaziuns d'emprender

Il praticum situaziuns d'emprender ha lieu suenter dus semesters da scolaziun. El sa cumpona d'ina emna da studi preparatorica a la SAPGR (inclus di d'ospitaziun al lieu da praticum) sco er traies emnas da pratica en ina scola u ina scolina. Las studentas/ils students absolveschan quest praticum per regla en dus.

Il temp dal praticum a la fin da l'onn da scola è savens segnà cun differentas occurrentzas sco excursiuns, projects, di da sport, viadi da scola e.u.v. che han lieu en las scolas primaras ed en las scolinas. Il praticum Situaziuns d'emprender porscha qua tras la pussaivladad, da percepir la cumplexitad e la varietad dal mintgadi da scolina e da scola, d'observar ils uffants en differentas situaziuns e da prender si contact cun els sco er da realisar situaziuns d'emprender multifaras a moda flexibla. Latiers vegn exercità la planisaziun e la realisaziun conscienziosa da las sequenzas d'instrucziun.

Persunas involvidas e responsablidad

La responsablidad per la realisaziun da la planisaziun dal praticum entaifer l'emna da studi da la pratica professiunala è tar la partizun furmaziun da la pratica professiunala sco er tar las docentes/ils docents da la didactica dal rom e da las scienzas d'educaziun. Per las traies emnas da pratica surpiglian las persunas d'instrucziun da la pratica la responsablidad. Docentes e docents da

la SAPGR en la funcziun da menturas/menturs visitan las studentas/ils students durant las emnas da pratica e mainan cun ellus/els in discurs preparatoric ed in discurs d'evaluaziun.

Permissas da las studentas/dals students

Las studentas/ils students han suenter ils dus semesters da furmaziun absolvids a la SAPGR las suandantas premissas praticas e teoreticas per il praticum Situaziuns d'emprender:

- Entaifer ils ateliers durant il 1. semester han las studentas/ils students absolvì plirs mezs dis en ina gruppa d'uffants da scolina resp. ina gruppa d'uffants da scola. En gruppas pitschnas han ellus/els pudì observar uffants e preparar, manar tras ed evaluar singulas unitads d'instrucziun. En quest connex han las studentas/ils students gia emprendì d'enconuscher differentas rollas da la persona d'instrucziun.
- Durant ils **moduls da las scienzas d'educaziun** èn las studentas/ils students s'occupadas/s'occupads cun dumondas da basa da l'educaziun e da la furmaziun e cun differentas ideas d'educaziun ed han emprendì d'enconuscher la midada istorica d'educaziun, furmaziun e scola. Ellas/els enconuschan ils princips da la percepziun e da l'observaziun si-

stematica ed han ina savida da basa davart la psicologia dal svilup e da l'emprender, per exemplu han ellas/els savida da basa co percepir ed ordinar la diversitat e las differenzas dals process da svilup d'emprender dals uffants. Ellas/els enconuschan l'importanza dal gieu, furmas da basa e furmas socialas da l'instrucziun sco er la noziun, significaziun e furmas da la differenziazion interna, plinavant han ellas/els savida co ch'ins sa structurar e planisar per uffants situaziuns d'emprender a moda chapibla. Las studentas/ils students èn s'occupadas/s'occupads cun l'atgna cumpetenza da sa preschentiar ed han emprendì d'enconuscher differentas pussaivladads verbals e nonverbals per savoir realisar situaziuns da communicaziun a moda effectiva.

- En ils **moduls da la didactica dal rom** dals dus emprims semesters da scolaziun èn las studentas/ils students vegnidias/vegnids introducidas/introducids en las basas da las didacticas dal rom e dal fatg. Ellas/els han ina buna savida actuala dal rom e da l'abilitad dal rom sco er basas areguard models didactics e dal fatg e principis da la realisaziun da l'instrucziun per absolver il praticum.
- Las studentas/ils students enconuschan differents **intruments da la planisaziun da l'instrucziun e da la reflexiun da l'instrucziun**: Ellas/els san applitgar il schema da plansaziun en connex cun in'analisa da las cundiziuns e da la materia per la planisaziun detagliada dal mintgadi davart situaziuns d'emprender en scolina e scola primara. Per la planisaziun e la reflexiun da l'agen process d'emprender e dal svilup da las cumpetenzas enconuschan ellas/els il carnet d'elements ed il portfolio inclus pass da cumpetenzas.

Cumpetenzas

Dals standards che valan per quest praticum sco accents èn vegnidias formuladas differentas cumpetenzas. Ina finamira dal praticum Situaziuns d'emprender è che tuttas studentas/tuts students possian sviluppar las suandantas cumpetenzas tant sco pussaivel:

Las studentas/ils students

- san observar uffants en differentas situaziuns a moda sistematica e percepir la diversitat da la gruppa d'uffants
- inscuntran uffants cun interess, avertedad e respect e s'occupan a moda empatica, sustegnenta ed animanta cun els

- vesan process d'emprender e/u difficultads d'emprender da singuls uffants
- san planisar sequenzas d'instrucziun a moda transparenta e cun cleras finamiras e duvrar latiers differentas furmas da gieu, furmas da basa, furmas socialas ed emprimas furmas d'individualisaziun sco er medias che van a prà cun la situaziun
- san manar tras l'instrucziun planisada a moda correcta e confurm a la situaziun
- san sa preschentiar a moda segira, tschiffar l'attenziun dals uffants, dar cleras incumbensas, communitygar cleramain davart pretensiuns, far valair reglas da basa, ritmisar l'instrucziun e realisar qua tras in clima che promova l'emprender
- san reflectar l'atgna instrucziun cun sustegniment e realisar enconuschentschas or da la reflexiun
- san valitar il nivel actual da lur cumpetenzas professiunala e definir, suandar e documentar proxims pass da svilup
- percepeshan las pretensiuns e la cumplexitat dal champ professiunal e surprendan incumbensas da la persuna d'instrucziun scolina resp. stgalim primar

Accents da lavur individuals

Il svilup da las cumpetenzas en il praticum Situaziuns d'emprender na vegn betg mo definì sur ils accents e las cumpetenzas ch'en dadas avant. En il senn d'ina individualisaziun che promova l'emprender ston las studentas/ils students avair la pussaivladad da – tut tenor las resursas individualas ed il basegn da sa sviluppar individual – definir e lavurar vi d'ulteriurs accents da lavur personals. Quests accents individuals vegnan fixads en barat e tenor cunvegna cun la persuna d'instrucziun da la pratica e cun la mentura/il mentur.

Cun agid dal **carnet d'elements** e cun l'egliada sin ils standards vai persuenter d'eleger cumpetenzas concretas ch'ins po observar e che vegnan exercitadas durant il praticum Situaziuns d'emprender a moda sapientiva e repetida per uschia pudair cuntanscher in progress necessari. Per quest motiv dattan las studentas/ils students durant il praticum a lur persuna d'instrucziun da la pratica regularmain cleras incumbensas d'observaziun e survegnan uschia cuntinuadament feedbacks ed infurazioni specificas sur da quant bain ch'ellas/ch'els adempleschan già ina cumpetenza e tge che sto anc vegnir emprendì.

In accent personal po dentant era vegnir definì independentamain dal carnet d'elements, p. ex. sche las studentas/ils students elegian partind d'experienciasch

professionnalaas gia fatgas in auter champ en il qual elles/els vulan sa sviluppar.

Las studentas/ils students documenteschan en il **portfolio** lur stentas e lur activitads correspondentes cun reflectar en furma da **cumprovas d'emprender** davart l'agen agir e las atgnas experientschas, ellas/els noteschan enconuschienschas, rendan conscents e visibels svilups e planiseschan ulteriurs pass d'emprender. Il portfolio ed il **pass da competenzas** ch'è integrà illu-

streschan uschia il svilup da cumpetenzas professiunal d'ina studenta resp. d'in student e ses accents da svilup persunals relevantes.

Il portfolio ed il pass da cumpetenzas furman ina basa da discussiun impurtanta tranter las studentas/ils students e lur persunas d'accumpagnament sco er per ulteriuras occasiuns nua ch'il process d'emprender individual dals praticums vegn planisà ed evaluà.

Tqe e quant instrueschan las studentas/ils students?

Studi scolina

Durant il praticum è l'incumbensa da las studentas/dals students da planisar e manar tras cun ils uffants activitads en connex cun la sequenza manada, cun l'approfondaziun individuala e cun l'accumpagnament dal gieu en la sequenza libra. En connex cun occurrenzas spezialas (p.ex. excursiuns, projects, di da gieus e di da sport) surpiglian las studentas/ils students ulteriuras incumbensas.

Las studentas/ils students fan las suandantas lavurs preparatoricas

- sin fundament dal di d'ospitaziun l'analisa da las cundiziuns
- ina analisa da la materia davart il tema dal praticum
- per persuna u en dus ina planisaziun detagliada da l'instrucziun cun il schema da planisaziun „Planisaziun da la sequenza manada cun approfondaziun individuala”

Durant il praticum surpiglian las studentas/ils students adina dapli responsabladad per l'instrucziun:

- emprima e seconda emna: exercitar singuls elements d'instrucziun (sequenza manada, approfondaziun individuala) sco er surpigliar incumbensas parzialas sco ritual da bainvegni, preparar la fasa d'orientaziun, incumbensas durant la sequenza libra, accumpagnament dal gieu, fasa da recreaziun, gieus en il curtin, rituals da cumià e.u.v.
- terza emna: Las studentas/ils students surpiglian mintgamai circa 1/3 da l'instrucziun senza la responsabladad generala per la sequenza libra

Durant il praticum vegn fatga mintga di la planisaziun en scrit en furma dal schema da planisaziun. Las planisaziuns vegnan scrittas per regla en l'emprima lingua da las studentas/dals students.

Studi stgalim primar

Las studentas/ils students realiseschan singulas lecziuns en ils dus roms emprima lingua e matematica ed en in ulteriur rom dal champ sport/furmaziun/musica, en cas ideal sport. En auters roms surpiglian ellas/els pli pitschnas sequenzas sco p.ex. la realisaziun da l'introducziun en ina fasa d'exercizi, l'accumpagnament d'ina gruppa e.u.v.

En connex cun occurrenzas spezialas (p.ex. viadi da scola, projects, di da sport) surpiglian ellas/els la responsabladad per ulteriuras incumbensas.

Las studentas/ils students preparan avant il praticum en ils moduls didactics e dal fatg resp. emna da studi da la practica professionnala

- sin fundament dal di d'ospitaziun l'analisa da las cundiziuns
- ina analisa da la materia en connex cun ils temas emprima lingua e matematica
- emprimas planisaziuns da lecziuns detagliadas cun il schema da planisaziun

Ellas/els s'occupan vinavant cun il tema en il rom sport (resp. furmaziun u musica) e planischan emprimas sequenzas.

Durant il praticum surpiglian las studentas/ils students adina dapli responsabladad per l'instrucziun:

- emprima e seconda emna: Per studenta/student ina sequenza d'instrucziun pli gronda e planisada a moda detagliada per di (per regla ina lecziun), sco er ulteriuras sequenzas pli pitschnas
- terza emna: Las studentas/ils students surpiglian mintgamai ca. 1/3 da l'instrucziun, la persuna d'instrucziun da la pratica 1/3

Durant il praticum vegn fatga mintga di la planisaziun en scrit en furma dal schema da planisaziun. Las planisaziuns vegnan scrittas per regla en l'emprima lingua da las studentas/dals students.

Incumbensas da las persunas involvidas

Sin las proximas paginas dal manual èn nudadas las incumbensas da las persunas involvidas en il praticum Situaziuns d'emprender. Questas glistas da controlla valan sco agid per las studentas/ils students, per persunas d'instrucziun da la pratica e menturas/menturs, per infurmarr tuttas e tuts davart l'incumbensa da da las autres acturas/dals auters acturs e da simplifitgar la collauraziun. Il spazi data/remartgas serva per notizias individualas.

Valitaziun e cumprova da prestaziun

Las persunas d'instrucziun da la pratica observan durant il praticum il process d'emprender da las studentas/dals students e las/als dattan cuntuadament feedbacks a moda promoventa. A la fin dal praticum fan las persunas d'instrucziun da la pratica ina valitaziun summativa che fa part da la nota dal praticum, che cunttega dentant era valitaziuns en furma da text e recumandaziuns per la lavur futura.

Las menturas ed ils menturs dattan a las studentas/als students a chaschun da la visita da praticum feedbacks concrets en connex cun cumpetenças e prestaziuns observadas sco er suenter il praticum per la lavur vi dal portfolio.

Las studentas/ils students fan en vista dal discurs final ina valitaziun persunala.

La cumprova da prestaziun per il praticum Situaziuns d'emprender è cuntanschida sche

- il praticum inclus l'emna da studi da la pratica professionnala preparativa èn vegnids absolvids cumplainamain (detagls latiers vegnan reglads en las directivas da la partizun furmaziun da la pratica professionnala),
- las planisaziuns ch'èn vegnidas elavuradas durant l'emna da studi da la pratica professionnala resp. en ils moduls didactics e dal fatg èn vegnids valitads cun cuntanschì da las docentas accumpagnantas/dals docents accumpagnants,

- la persuna d'instrucziun da la pratica valitescha las prestaziuns da la studenta/dal student durant las trais emnas da pratica a maun da l'instrument da valitaziun cun minimum suffizient (nota 4).

Sche la cumprova da prestaziun è cuntanschida vegnan surdads 7 puncts da credit.

Finanzas

Expensas per albiert e viadis ston las studentas/ils students surpigliar. Ins sto quintar cun temp da viadi enfin in'ura dal lieu da domicil enfin il lieu da praticum. Studentas/students pon en cas da basegn far ina dumonda per sustegniment finanzial tar la partizun furmaziun da la pratica professionnala da la SAPGR, sch'ils custs per abitar e viagiar surpassan 100.-fr per emna da pratica. Il basegn è d'attestar (p. ex. dretg sin stipendis).

La SAPGR na suprenda nagins custs per material d'instrucziun (copia, material da zambregiar e.a.v.). Quels vegnan per regla suprendi da l'instituziun al lieu da praticum. I vala las directivas da la partizun furmaziun da la pratica professionnala.

Las persunas d'instrucziun da la pratica vegnan pajadas per lur lavur tenor las directivas da la partizun.

Assicuranza

Durant il praticum n'en las studentas/ils students betg segirad(a)s sur la SAPGR. L' assicuranza d'accident e l'assicuranza da responsablidad è chaussa da las studentas/dals students.

Incumbensas da las studentas/dals students

Di d'ospitaziun

Las studentas/ils students

- s'informeschan avant il di d'ospitaziun a maun dals documents da la partiziu furmaziun da la pratica professiunala (FPP) davart las pretensiuns specificas, las finamiras e.u.v. dal praticum
- prendan si ad uras contact cun la persuna d'instrucziun da la pratica e fixeschan las modalitads exactas per il di d'ospitaziun: spazi da temp (per regla l'entir di), pussaivladads da manar tras in'emprima activitat cun ils uffants e.u.v.
- sa preschentan a la classa e prendan si contact cun ils uffants
- sa preschentan sche pussaivel a la direcziun da la scola ed al team da scola
- s'infurmeschan observond e tras il discurs uschè bain sco pussaivel davart las premissas al lieu da praticum ed en la classa da pratica (analisa da las premissas)
- sa preschentan a la persuna d'instrucziun da la pratica a maun dal pass da cumpetenzas e discussioneschan cun ella accents dal praticum (basa: carnet d'elements)
- fixeschan cun la persuna d'instrucziun da la pratica cuntegns da l'instrucziun concrets durant il praticum
- determineschon ensemencun la persuna d'instrucziun da la pratica la structura dal praticum temporara e tematica inclus responsabladdas
- discussioneschan pussaivladads da contact durant l'lemn da studi da la pratica professiunala per cusseglis, dumondas e.u.v. areguard la planisaziun dal praticum
- discussioneschan cun la persuna d'instrucziun da la pratica termins adattads per la visita da l'instrucziun da la mentura/dal mentur
- sclereschan cun la persuna d'instrucziun da la pratica sch'igl è pussaivel d'instruir sequenzas resp. lecziuns en moviment e sport

data / remartgas

<input type="checkbox"/>	

Emna da studi da la pratica professiunala

Las studentas/ils students

- sa preparan a moda conscienuisa sin il praticum e fan la planisaziun en scrit tenor las directivas da la partiziu furmaziun da la pratica professiunala
- fan diever da la purschida da cussegliaziun tras las docentes/ils docents da la didactica dal rom
- tschertgan durant il process da planisaziun il discurs cun la persuna d'instrucziun da la pratica e surdattan ad ella – sche pussaivel avant il cumenzament dal praticum – ils documents da planisaziun preparads
- scrivan ina brev per ils geniturs dals uffants, cun la quala ellas/els sa preschentan al cumenzament dal praticum e la mussan a la persuna d'instrucziun da la pratica
- dattan a la mentura/al mentur avant il cumenzament dal praticum invista en las lavurs da planisaziun e sclereschan cun ella/el dumondas eventualas
- discussioneschan cun la mentura/il mentur accents dal praticum personals (basa: pass da cumpetenzas, portfolio, carnet d'elements, manual)
- preschentan a la mentura/al mentur termins pussaivels per la visita dal praticum

<input type="checkbox"/>	

Emnas da pratica

Instruir mintga di, percepir complexitad e diversitat:

Las studentas/ils students

- prendan si contact cun ils uffants en differentas situaziuns, als observeschan u accumpognan, ellas/els s'occupan dals uffants e porschan agid
- surpiglian en il decurs dal praticum adina dapli responsabladdad per l'instrucziun (directivas chascha davantgart)
- planiseschan sequenzas d'instrucziun ch'en adattadas al stgalim ed orientadas a las finamiras, scrivan lur planisaziun en scrit en furma chapibla e las mussan a la persuna d'instrucziun da la pratica entaifer il temp fixà
- mainan tras l'instrucziun planisada uschia ch'ella va a trà cun la si-tuaziun e surpiglian latiers incumbensas e la rolla da la persuna d'instrucziun (manar la classa e.u.v.)

<input type="checkbox"/>	

- sa participeschan activamain ad occurenzas spezialas (p.ex. excursiuns, projects, di da sport) e surpiglian iniziativa ed incumbensas repartidas
- sa participeschan tant sco pussaivel a sesidas da team, a la collavurazion cun personas d'instrucziun da promozion (p.ex. pedagoga curativa/pedagog curativ da scola) u cun geniturs
- prendan sche pussaivel en singulas lecziuns u durant in mez di invista en l'instrucziun sin auters stgalims da scola (scolina, stgalim primar, stgalim aut) u tar personas d'instrucziun dal fatg
- observan durant sequenzas ch'ellas/ch'els n'instrueschan betg sezzas/sezs l'instrucziun da la persona d'instrucziun a maun d'incumbensas concretas u assisteschan durant l'instrucziun

<input type="checkbox"/>	

Reflexiun e lavurar cun il portfolio:

Las studentas/ils students

- valiteschan mintga di lur instrucziun sin basa dals documents da planisazion ed observaziuns communablamain cun la persona d'instrucziun da la pratica e cun la partenaria/il partenari da praticum, exerciteschan da far pli e pli ina reflexiun autonoma e prender cunter feedbacks sur da quai ch'è gartegia e quai ch'ins po anc emprender
- scrivan si durant e suenter las discussiuns suenter l'instrucziun enconuschtenschas impurtantas (p.ex. en la part da reflexiun dal schema da planisaziun)
- lavuran a moda sapientiva vi d'accents dal praticum che fan senn (guarda carnet d'elements) e persequiteschan in focus elegi sur in pli lung temp
- dattan a la partenaria/al partenari da praticum ed a la persona d'instrucziun da la pratica en connex cun ils accents personals regularmain incumbensas d'observaziun concretas
- fan cuntuadament en furma da la laver cun il portfolio ina valitaziun da las observaziuns ed experientschases en connex cun ils accents personals dal praticum
- adatteschan sche necessari ils accents personals en il decurs dal praticum cun agid da la persona d'instrucziun da la pratica
- dattan a la persona d'instrucziun da la pratica invista en il portfolio resp. en singulas cumprovas d'emprender ed uschia en l'elavuraziun da las experientschases personalas

<input type="checkbox"/>	

Collavuraziun:

Las studentas/ils students

- lavuran a moda constructiva e fidada cun la persona d'instrucziun da la pratica e cun la partenaria da praticum/il partenari da praticum
- profiteschan da la collavuraziun cun autres personas d'instrucziun or dal team al lieu da praticum (p.ex. er personas d'instrucziun dal fatg e da promozion)
- substitueschan tenor cunvegna la persona d'instrucziun da la pratica, sche quella sa participescha a la dieta per personas d'instrucziun da la pratica da la partiziun FPP
- surpiglian incumbensas en connex cun la visita da la mentura/dal mentur: coordinar il termin da visita, surdar la planisaziun en scrit per l'instrucziun che vegn visitada sco er l'incumbensa d'observaziun en scrit
- prendan si contact cun la mentura/il mentur tar eventualas malsegirezzas u problems, che na pon betg vegnir sclerids directamain cun la persona d'instrucziun da la pratica

<input type="checkbox"/>	

Valitaziun e finiziu

Las studentas/ils students

- dumondan gia durant il praticum la persona d'instrucziun da la pratica sin basa dals criteris da valitaziun suenter feedbacks e sa drizzan cun malsegirezzas e dumondas pertutgant la valitaziun ad uras ad ella
- emplainan sco basa per il discurs final cun la persona d'instrucziun da la pratica l'instrument da valitaziun sco valitaziun personala e cumpletechesan il pass da competenzas
- prendan part al discurs da valitaziun cun la persona d'instrucziun da la pratica, en il qual i vegn integrà la valitaziun personala ed il pass da competenzas e tematisà proxims pass da svilup e d'emprender impurtants

<input type="checkbox"/>	
<input type="checkbox"/>	
<input type="checkbox"/>	

- dattan a la persuna d'instruczion da la pratica a chaschun dal discurs da valitaziun in feedback a bucca pertugtant la realisaziun dal praticum
- suttascrivan il fegl da notas, mettan la valitaziun personala ed ina copia da la valitaziun estra en il portfolio e surdattan ina copia a la mentura/al mentur
- fineschan suenter il praticum il portfolio e mainan sin basa da quel il discurs da verificazion cun la mentura/il mentur

<input type="checkbox"/>	
<input type="checkbox"/>	
<input type="checkbox"/>	

Incumbensas da la persuna d'instrucziun da la pratica

Di d'ospitaziun

La persuna d'instrucziun da la pratica

- s'infurmescha avant il di d'ospitaziun a maun dals documents da la pratiziun furmaziun da la pratica professionnala (FPP) davart cundiziuns da basa specificas, finamiras, criteris da valitaziun e.u.v. dal praticum
- fixescha cun la studenta/il student ordavant las modalitads exactas per il di d'ospitaziun: temp (per regla entir di), pussaivladads per in'emprima activitat cun ils uffants e.u.v.
- realisescha il di d'ospitaziun uschia, che la studenta/il student po far uschè bain sco pussaivel in maletg da las premissas al lieu da praticum e da la classa da pratica (analisa da las premissas) e guarda ch'ella/ch'el possia sche pussaivel gia prender si contact cun la direczion da la scola e cun il team da scola
- s'infurmescha a maun dal pass da cumpetenzas da la studenta/dal student davart sia via d'emprender e ses nivel d'emprender e la/al sustegna da chattar accents persunals adattads per il praticum (basa: carnet d'elements)
- fixescha cun la studenta/il student cuntegns da l'instrucziun concrets durant il praticum e fa indicaziuns davart ils process d'emprender aspirads e las finamiras ord vista dals uffants
- sclerescha cun la studenta/il student la structura dal temp e da la tematica da las trais emnas da praticum inclus responsabladads
- fa transparent a la studenta/al student sias spetgas durant il praticum (p.ex. engagement, temp da preschientscha e temp da discussiun, planisaziun en scrit) era areguard ils criteris da valitaziun
- discussunescha cun la studenta/il student pussaivladads da prender si contact e sustegniment tar las lavurs da planisaziun durant l'emna da studi da la pratica professionnala
- fixescha cun la studenta/il student in termin adattà per la visita da l'instrucziun da la mentura/dal mentur
- infurmescha la studenta/il student sch'ella/sch'el sa instruir sequenzas resp. lecziuns en sport e moviment

data / remartgas

<input type="checkbox"/>	

Emna da studi da la pratica professionnala

La persuna d'instrucziun da la pratica

- cusseglio e sustegna la studenta/il student tar las lavurs da planisaziun a temp adattà ed en furma adattada (via telefon, e-mail u sche pussaivel cun contactar directamain)
- dat a la studenta/al student in feedback davart il sboz da la brev, cun la quala ella/el sa preschenta al cumentzament dal praticum als geniturs
- prenda encunter il pli tard al cumentzament dal praticum las lavurs da planisaziun terminadas e dad in feedback che promova l'emprender

<input type="checkbox"/>	
<input type="checkbox"/>	
<input type="checkbox"/>	

Emnas da pratica

Instruir mintga di, percepir complexitad e diversitat:

La persuna d'instrucziun da la pratica

- sustegna la studenta/il student da prender si contact cun ils uffants en differen- tas situaziuns, da s'occupar cun ils uffants, d'als accumpagnar, d'obsevar lur emprender e da reflectar observaziuns
- surdat a la studenta/al student en il decurs dal praticum adina dapli responsabladad per l'instrucziun tenor las directivas da la partiziun FPP (guarda chascha davantgart)
- pretenda mintga di la planisaziun da l'instrucziun en scrit, per cussegliar la studenta/il student da realisar in'instrucziun adattada per ils uffants, orientada a las finamiras e per part gia individualisada e da concepir ina planisaziun transparenta
- sustegna la studenta/il student da manar tras l'instrucziun planisada confurm a la situaziun e la/al surdat per gronda part las incumbens da la persuna d'instrucziun (manar la classa e.u.v.)

<input type="checkbox"/>	

- dat a la studenta/al student la pussaivladad da prender l'iniziativa en connex cun occurrentas spezialas e da surpigliar responsabladad per incumbensas concretas
- integrescha la studenta/il student tant sco pussaivel ed uschia ch'i fa senn en las sesidas da team, en la collauraziun cun persunas d'instrucziun da promozion u geniturs (sera da geniturs, discurs cun geniturs)

- possibilitescha a la studenta/al student da far durant singulas lecziuns u mezs dis ina visita resp. visitas sin in auter stgalim (scolina, stgalim primar, stgalim aut) u visitar l'instrucziun da persunas d'instrucziun dal fatg
- surdat a la studenta/al student durant sequenzas d'instrucziun che la persuna d'instrucziun da la pratica maina sezza tras, incumbensas d'observaziun che sustegnan l'emprender u ch'ella surdat incumbensas nua che la studenta/il student po assister

<input type="checkbox"/>	

Reflexiun e lavurar cun il portfolio:

La persuna d'instrucziun da la pratica

- realisescha las discussiuns quotidianas suenter l'instrucziun uschia che la studenta/ch'il student sa d'ina vart exercitar da reflectar sia instrucziun pli e pli a moda autonoma da l'autra vart da survegnir clers feedbacks davart quai ch'è gartegià e quai ch'ins po anc optimar
- survegn durant il praticum invista en il portfolio u en singulas cumprovas d'emprender, mussa interess per la laver cun il portfolio e per la metoda d'emprender da la studenta/dal student
- sustegna la studenta/il student da lavurar a moda constanta e sistematica vi d'accents da laver resp. cumpetenzas concretas e la/al cussegliu sche necessari d'adattar queste
- prenda encunter regularmain incumbensas d'observaziun da la studenta/dal student en connex cun las cumpetenzas che ston spezialmain vegnir exercitadas, observescha e dat feedbacks
- mussa durant l'atgna instrucziun a moda exemplarica surtut las cumpetenzas che la studenta/ch'il student vul exercitar spezialmain e surdat da sia vart incumbensas d'observaziun che vegnan discussiunadas ed evaluadas
- animescha la studenta/il student d'elavurar en scrit observaziuns, experientschas e discussiuns en furma da cumprovas d'emprender per il portfolio (per regla suenter l'instrucziun)

<input type="checkbox"/>	

Collauraziun:

La persuna d'instrucziun da la pratica

- prenda part a la dieta per persunas d'instrucziun da la pratica da la partiziu FPP e surdat a la studenta/al student tenor cunvegna cun la direcziun da la scola e cun il team da scola durant quest (mez) di la responsabladad per l'instrucziun
- metta a disposiziun durant la visita da la mentura SPP/dal mentur SPP cundiziuns da basa adattadas e sa participescha a la discussiun suenter l'instrucziun
- dat a la mentura SPP/dal mentur SPP invista en sias observaziuns e valitaziuns pertugant moda da laver e qualificaziun per la professiun da la studenta/dal student
- prenda si baud avunda contact cun la mentura SPP/il mentur SPP tar eventualas malsegirezzas u problems che na pon betg vegnir discussiunads directamain cun la studenta/il student

<input type="checkbox"/>	

Valitaziun e finiziu

La persuna d'instrucziun da la pratica

- dat a la studenta/al student gia durant il praticum sin basa dals criteris da valitaziun feedbacks, tematisescha ad uras problems eventuels u di a temp schebain prestaziuns n'en betg cuntentaivas
- fa a la fin dal praticum sin basa dals documents da valitaziun la valitaziun finala

<input type="checkbox"/>	
<input type="checkbox"/>	

en scrit

- maina tras cun la studenta/il student il discurs da valitaziun final, latiers integre-scha ella il pass da cumpetenzas e la valitaziun persunala da la studenta/dal student, fa transparent l'atgna valitaziun e define-scha proxims pass da svilup e d'emprender impurtants
- prenda encunter da la studenta/dal student in feedback pertutgant la realisaziun dal praticum
- dat a la studenta/al student in exemplar suttascrit dals documents da valitaziun e surdat in ulteriur exemplar a la partiziu FPP

<input type="checkbox"/>	
<input type="checkbox"/>	

Incumbensas da la mentura/dal mentur**Avant il praticum e durant l'emma da studi da la pratica professionnala**

La mentura/il mentur

- s'infurmescha davart ils instruments dal FPP (manual mentoring, carnet d'elements, portfolio, instruments da planisaziun) ed a maun dal manual davart las pretensiuns specificas, las finamiras e.u.v. dal praticum
- maina cun la studenta/il student in emprim discurs davart il praticum, en quest di-scurs vegnan discussiunads accents dal praticum che fan senn (basa: pass da cumpetenzas, carnet d'elements, portfolio, ma-nual)
- tematisescha cun la studenta/il student las pretensiuns areguard prestaziuns dal praticum
- s'infurmescha durant il prediscurs davart condiziuns al lieu da praticum, prenda invista en las lavurs da planisaziun e respunda dumondas
- fixescha cun la studenta/il student in termin per la visita dal praticum inclus discussiun communabla

data / remartgas

<input type="checkbox"/>	

Emnas da pratica

La mentura/il mentur

- è persuna da contact per las personas d'instrucziun da la pratica e per la studenta/il student tar dumondas, malsegirezzas, giavischs e pro-blems durant il praticum che na pon betg vegnir sclerids communabla
- prenda part a la dieta per personas d'instrucziun da la pratica ed uschia al barat tranter differentas personas involvidas a la scolaziun da la studenta/dal student
- visita la studenta/il student tenor cunvegna al lieu da praticum (durada da la visita per regla: SP per studenta/student ina lecziun, S per studenta in'ura)
- prenda encunter da la studenta/dal student avant il cumenzament da l'instrucziun la planisaziun en scrit da l'instrucziun visitada sco er in'incubensa d'observaziun en scrit en connex cun in accent da praticum
- notescha durant l'instrucziun sias observaziuns e prenda questas a la discussiun suenter l'instrucziun
- cooperescha a moda activa durant la discussiun suenter l'instrucziun, sustegna la studenta/il student tar la reflexiun da sia instrucziun en connex cun las finamiras ed ils accents e sa participescha a la discussiun ed al barat
- dat a la studenta/al student feedbacks en connex cun las cumpetenzas e cun ils accents da lavour individuals e sa referescha là nua ch'i fa senn als criteris da valitaziun per il praticum
- dat a la studenta/al student tips per ulteriurs pass da svilup e d'emprender
- prenda sche pussaivel invista en ulteriuras lavurs da planisaziun da la studenta/dal student e pledenta la lavour cun il portfolio
- s'infurmescha davart il sa sentir da las personas involvidas, davart il decurs dal praticum, davart valitaziuns da la persona d'instrucziun da la pratica pertutgant qualificaziun per la professiun da la studenta/dal student, respunda a dumondas e prenda encunter feedbacks
- dat a la studenta/al student (suenter la finiziun dal discurs communabel cun la persona d'instrucziun da la pratica) commentaris davart il discurs da verificaziun (al cumenzament dal 3. semester)
- maina feedbacks da la studenta/dal student e da las personas d'instrucziun da la pratica a la partiziu FPP

<input type="checkbox"/>	

Valitaziun e finiziun

La mentura/il mentur:

- introducescha durant il discurs da finiziun sin basa dal portfolio ina retrospectiva dal praticum ed ina reflexiun da l'agen process d'emprender
- tematisescha durant il discurs da verificaziun – en preschientscha d'ina commembra/d'in commember da la direcziun da la SAPGR – cun la studenta/il student sia qualificaziun per la professiun (guarda directivas davart il discurs da verificaziun)
- prenda encunter suenter la finiziun dal praticum il portfolio finì, dat in feedback u al refusescha sche necessari per al surlavurar
- maina infurmaziuns ch'en ord vista da la mentura/dal mentur impurtantas per ils proxims praticums a la partiziu FPP

<input type="checkbox"/>	

Instrument da valitaziun praticum Situaziuns d'emprenderValitaziun tras la **persuna d'instrucziun da la pratica** (e valitaziun personala da la studenta/dal student)

Studenta/student

Persuna d'instrucziun da la pratica

Classa, lieu da praticum

Temp da praticum

Explicaziuns

Las cumpetenças ch'èn dadas avant vegnan valitadas cun **notas** tranter 1 e 6. La nota 4 signifitgescha che la prestaziun è suffizienta, notas sut 4 signifitgeschan che la prestaziun n'è betg suffizienta enfin cleramain betg suffizienta. La nota 5 stat per ina buna prestaziun. Per notas sur 5 ston vegnir furnidas prestaziuns spezialas e visiblas. Sin basa da la summa da tuttas notas po vegnir definì tenor la scala la nota per il praticum.

En il spazi **remartgas** po vegnir nudadas tar tut ils tschintg champs da valitaziun fermezzas spezialas e proxims pass da svilup e pussaivladdads da svilup da la studenta/dal student. Igl è pussaivel dad argumentar u commentar ina valitaziun.

Studentas e students defineschan tut tenor basegns d'emprender persunals entaifer u ordvart ils standards che vegnan definids sco accents per il praticum Situaziuns d'emprender **accents da lavur individuals**. En la davosa part da l'instrument da valitaziun noda la persuna d'instrucziun da la pratica quels accents individuals (cfr. pass da cumpetenças da la studenta/dal student) e fa ina valitaziun che sa referescha als svilups ed al nivel d'emprender actual, che cuntegna dentant era recumandaziuns e consequenzas per la lavur futura (proxims pass d'emprender, cumpetenças, vi da las qualas las studentas/ils students ston anc lavurar e.u.v.). En il spazi **ulteriuras remartgas** po vegnir nudadas observaziuns supplementaras e commentaris.

Process d'emprender e da svilup e lavurar cun eterogenitat (Standard 2 e standard 3)

La studenta/il student sa observar en differentas situaziuns da scola a moda sapientiva e cun cleras finamiras, ella/el percepsecha ils uffants e lur indivi-dualidad.

La studenta/il student vesa e chapescha en la reflexiun comunabla process d'emprender e difficultads d'emprender da singuls uffants e sa formular conclusiuns per l'instrucziun.

1	1.5	2	2.5	3	3.5	4	4.5	5	5.5	6

Remartgas

Manar ina classa

(Standard 5)

La studenta/il student mussa envers ils uffants plaschair da contact ed avertadad e tgira ina buna relaziun cun els.

La studenta/il student sa s'occupar a moda suste-gnenta cun singuls uffants.

La studenta/il student sa sa preschentar a moda segira, tschiffar l'attenziun dals uffants e dar cleras incumbensas.

La studenta/il student sa communitygar e far valair reglas.

1	1.5	2	2.5	3	3.5	4	4.5	5	5.5	6

Remartgas

Planisaziun, realisaziun e valitaziun da l'instrucziun

(Standard 6)

La studenta/il student planisescha l'instrucziun quotidiana a moda conscienciosa e transparenta.

La studenta/il student sa duvrar en si'instrucziun confurm ad ina situaziun differentas medias, furmas da basa, furmas da gieu, furmas socialas sco er parzialmain furmas da l'individualisaziun.

La studenta/il student sa adattar l'instrucziun planisada durant la realisaziun a moda raschunaivla e confurm a la situaziun.

La studenta/il student sa ritmisar uschia che l'emprender vegn promovi, sa far punts utilas e nizzegiar bain il temp d'emprender.

1	1.5	2	2.5	3	3.5	4	4.5	5	5.5	6

Remartgas

Abilitad individuala da supportar squitsch, svilup professiunal, svilup da l'instrucziun e da la scola (Standard 9)

La studenta/il student sa reflectar l'atgna instrucziun a moda autocritica e per part autonoma e sa realisar enconuschientas or da la reflexiun a moda raschunaivla.

La studenta/il student valitescha il nivel actual da las atgnas competenzas professiunals a moda realistica, definescha proxims pass d'emprender che fan senn e lavura a moda consequenta vi da quels.

La studenta/il student mussa interess per la complexitat dal champ professiunal e per las pretensiuns da la rolla professiunala.

1	1.5	2	2.5	3	3.5	4	4.5	5	5.5	6

Remartgas

Ulteriuras competenzas socialas e persunalas (che surpassan ils standards)

La studenta/il student sa tegna a moda fidada vi da cunvegnows ed obligaziuns.

La studenta/il student mussa en il praticum engaschi ed initiativa.

La studenta/il student nizzegia e realisescha la collavuraziun cun autres personas involvidas a moda constructiva.

La studenta/il student sa reagir en situaziuns nunprevisas a moda flexibla.

1	1.5	2	2.5	3	3.5	4	4.5	5	5.5	6

Remartgas

Accents da laver individuals (cfr. pass da competenzas)

Svilups e nivel d'emprender actual en il champ accent da laver individual da la studenta/dal student, recumandaziuns e consequenzas per la laver futura (p.ex. pass d'emprender impurtants, competenzas vi da las qualas ins sto anc laverar, resursas che pon vegnir nizzegiadas)

Ulteriuras remartgas (t. a. en connex cun la qualificaziun per la professiun)

Ulteriuras infurmaziuns impurtantas, remartgas pertutgant la qualificaziun per la professiun e.u.v.

Fegl da notas praticum Situaziuns d'emprenderValitaziun tras la **persuna d'instrucziun da la pratica**

Studenta/student

Persuna d'instrucziun da la pratica

Classa, lieu da praticum

Temp da praticum

Scala da notas

Summa or dals tschintg champs da valitaziun	Nota
98 - 102	6
89.5 - 97.5	5.5
81 - 89	5
72.5 - 80.5	4.5
64 - 72	4
55.5 - 63.5	3.5
47 - 55	3
38.5 - 46.5	2.5
30 - 38	2
21.5 - 29.5	1.5
17 - 21	1

Summa or dals tschintg champs da valitaziun

Nota da praticum

Absolvì il praticum cumplainamain gea
 na, absenzas mezs dis

Nus confirmain ch'igl ha gi lieu a la fin dal praticum Situaziuns d'emprender in discurs da valitaziun en il qual igl è vegnì duvrà l'instrument da valitaziun – ina giada da la persuna d'instrucziun da la pratica (valitaziun estra), ina giada da la studenta/dal student (valitaziun persunala) - sco basa dal discurs.

Lieu e data dal discurs:

Suttascripziun persuna d'instrucziun da la pratica:

Suttascripziun studenta/student:

Surdada dals documents da valitaziun

	termin	responsabladad
Original a la partizyun FPP (biro C13)	entaifer l'emna suenter il praticum	persuna d'instrucziun da la pratica
Copia valitaziun estra a la mentura/al mentur	entaifer l'emna suenter il praticum	studenta/student
Copia valitaziun estra e valitaziun persunala en il portfolio	entaifer l'emna suenter il praticum	studenta/student

Ils documents da valitaziun servan sulettamain per la scolaziun e na dastgan betg vegnir duvrads per annunzias per plazzas da lavor.

Scola auta da pedagogia dal Grischun
Partiziun Furmaziun da la Pratica Professiunala
Scalärastrasse 17
7000 Cuiras
www.phgr.ch

2. ediziun, schaner 2016